



জন্মদিন

শুভ জন্মদিনের অনেক ভালোবাসা ও অনেক আশীর্বাদ তোকে শ্রীনিলা। ঈশ্বরের কাছে তোর সুস্থ সুন্দর জীবন ও দীর্ঘায়ু কামনা করি। - মা-বাবা, দাদাই-ঠাইমা, দাদা-দিদান, মামাই-মিমি, কাকাই ও দাদাভাই, বাবুগাড়া, শিলিগুড়ি।

জুভেন্তাসের দাপট উড়িয়ে চ্যাম্পিয়ন ইন্টার মিলান

মিলান, ৩ মে : নয়ে নয় হয়েছিল। কিন্তু দশে দশ করতে পারল না জুভেন্তাস। চার ম্যাচ বাকি থাকতেই সিরি আ-তে চ্যাম্পিয়ন হয়ে গেল ইন্টার মিলান। ২০০৯-১০ মরশুমের পর প্রথমবার লিগ পেল মিলানের এই ক্লাব। জুভেন্তাস যে এবার চ্যাম্পিয়ন হতে পারবে না, তা অবশ্য আঙ্গের রাউন্ডের পরই পরিষ্কার হয়ে গিয়েছিল।

শীর্ষে থাকা ইন্টারকে খাতায়-কলমে পেছনে ফেলার সুযোগ ছিল একমাত্র আটালান্টার। কিন্তু রবিবার রাতে সাঙ্গোলার সঙ্গে ১-১ গোলে ড্র করে সেই সুযোগ হাতছাড়া করে ফেলে তারা। ফলে শনিবার ফ্রোন্টিনের বিরুদ্ধে ২-০ গোলে জেতা ইন্টার এবারের লিগে নিজেদের নাম লিখে ফেলে। ক্রিস্টিয়ান এরিকসেন ও আন্দ্রেয়াস হাকিমি গোলদ্রুই করেন। ৩৪ ম্যাচ থেকে ৮২ পয়েন্ট পেয়েছে তারা। সমসংখ্যক ম্যাচে ৬৯ পয়েন্ট পেয়েছে আটালান্টা, জুভেন্তাস ও এসি মিলান।

সমান পয়েন্ট নিয়েও গোলপার্থক্যের বিচারে যথাক্রমে দুই, তিন ও চার পেয়েছে তিন ক্লাব। ফলে তারা শেষ চার ম্যাচে পুরো পয়েন্ট পেলে এবং ইন্টার সব ম্যাচ হারলেও লিগ শীর্ষে থাকবেন আন্তোনিও কস্তের হেলেরা।

গতবার এক পয়েন্টের জন্য লিগ জিততে পারেনি কস্তের ইন্টার। এবারের সাফল্যের পেছনে চ্যাম্পিয়ন লিগের গ্রুপ পর্যায় থেকে ছিটকে যাওয়ায় অন্যতম কারণ হিসেবে চিহ্নিত করেছেন এই ইতালিয়ান কোচ। তাঁর কথায়, 'চ্যাম্পিয়ন লিগ থেকে বিদায় নেওয়ার পর আমরা সমালোচনার মুখে পড়ি। চলতি মরশুমে এটা আমাদের জন্য একটা বিশেষ মুহূর্ত। ওই সমালোচনা থেকে শিক্ষা নিয়ে আমরা ঘুরে দাঁড়িয়েছি।' এখনও জুভেন্তাসের সঙ্গে ইন্টারের ম্যাচ বাকি। কস্তের পুরোনো ক্লাব চ্যাম্পিয়ন লিগের যোগ্যতা অর্জন করতে পারবে কি না, তার অনেকটাই ওই ম্যাচের ফলের উপর নির্ভর করছে।

বেলের হ্যাটট্রিকে জয়ী টটেনহাম

লন্ডন, ৩ মে : গ্যারেথ বেলের হ্যাটট্রিকে ভর করে শেফিল্ড ইউনাইটেডকে ৪-০ গোলে উড়িয়ে দিল টটেনহাম হটস্পার। দলের হয়ে অন্য গোলটি করেন সন হিউ-মিন। ৫১ মিনিটে সনের একটি গোল ভিএআর বাতিল না করলে টটেনহামের জয়ের ব্যবধান আরও বাড়ত। ৩৪ ম্যাচে ৫৬ পয়েন্ট পেয়েছে লন্ডনের ক্লাবটি। ২০১২ সালের ডিসেম্বরের পর প্রথমবার প্রিমিয়ার লিগে হ্যাটট্রিক করলেন বেলা।

সবমিলিয়ে নিজের শেষ হ্যাটট্রিক করেছিলেন ২০১৮ সালে ক্লাব বিস্ফোকে। সেবার সেমিফাইনালে কাশিয়া আর্দালিসের জালে তিনবার বল জড়িয়েছিলেন তিনি। চলতি মরশুমে লিগ টেবিলের তলয়া থাকা শেফিল্ডের বিরুদ্ধে ৩৬, ৬১ ও ৬৯ মিনিটে গোলগুলি করেন ওয়েলস উইজার্ড। ৭৭ মিনিটে চতুর্থ গোলটি আসে সনের পা থেকে। টটেনহামের হয়ে এমন পারফরম্যান্সের জন্য বহু সমর্থকই চাইছেন, ক্লাবেই থাকুন বেলা। হ্যাটট্রিক নিয়ে ওয়েলসের এই তারকার বক্তব্য, 'সুযোগ কাজে লাগাতে পেরে খুশি। এবং খুশি থাকলে আমি ভালো খেলি।'

জয়ন্ত আইসিইউ-তে

গুয়াহাটি, ৩ মে : করোনাসংক্রামিত হয়ে আশঙ্কাজনক অসুস্থিগ্রস্থ তিরন্দাজ জয়ন্ত তালুকদার। ২০০৬ ও ২০১০ এশিয়াসেমসে রোগজয়ী দলের সদস্য জয়ন্ত স্বাস্থ্যকষ্ট নিয়ে গুয়াহাটির হাসপাতালে আইসিইউ-তে ভরতি।

বন্ধ প্রশিক্ষণ শিবির

কোচবিহার, ৩ মে : করোনাবিধিনিষেধে প্রশিক্ষণ শিবির বন্ধ রাখল কোচবিহার ফুটবল অ্যাকাডেমি। সংস্থার তরফে কোচবিহারের আচার্য ব্রজেন্দ্রনাথ শীল কলেজের মাঠে প্রায় ৬০ জন শিক্ষার্থীকে বিনামূল্যে ফুটবলের প্রশিক্ষণ দেওয়া হয়। সংস্থার সচিব সমীর ঘোষ জানান, করোনাসংক্রমণ বাড়াচ্ছে।

আজ চ্যাম্পিয়নস লিগে নেইমার-এম্বাপে বনাম ডি ব্রুয়েন-ফোডেন

ফাইনালে ওঠার এমন সুযোগ হারাতে চাই না : গুয়ার্দিওলা

ম্যাঞ্চেস্টার, ৩ মে : গত সপ্তাহে পার্ক দ্য প্রিন্সেসে ৬৪ মিনিট পঞ্চ পিছিয়ে থেকেও চ্যাম্পিয়নস লিগের সেমিফাইনালের প্রথম লেগে ২-১ গোলে প্যারিস সাঁ জাঁ-কে হারিয়েছিল ম্যাঞ্চেস্টার সিটি। রাত পেরোলেই এতিহাদ স্টেডিয়ামে দ্বিতীয় লেগ। সামনে গভবোরের ফাইনালিস্ট হলেও প্যারিস সাঁ জাঁ-র ঘরের মাঠে পাওয়া জোড়া আওয়াজে গোলের সুবাদে নিশ্চিতভাবেই আয়ডাভেজ সিটিজেন্সরা। এগিয়ে থাকায় ফাইনালে ওঠার এমন সুবর্ণ সুযোগ হাতছাড়া করতে চান না ম্যান সিটির কোচ পেপ গুয়ার্দিওলা।

২০১৬ সালে ম্যান সিটিতে আসার পর আকাশি-নীল জার্সিধারীদের জোড়া ইংলিশ প্রিমিয়ার লিগ সহ একাধিক খেতাব দিলেও ম্যান সিটিকে এখনও চ্যাম্পিয়নস লিগ দিতে পারেননি গুয়ার্দিওলা। এমনকি ম্যান সিটির কোচ হিসেবে এবারই প্রথম কোয়ার্টার ফাইনালের পর্ব পেরোতে পেরেছেন বার্সেলোনা ও বায়ার্ন মিউনিখের এই প্রাক্তন কোচ। গত কয়েক বছরের শক্ত গাঁট পেরোবার পর এবং সেমিফাইনালে প্রথম লেগ জিতে যাওয়ার গুয়ার্দিওলা এখনই শুধুই ফাইনালে ওঠা নিয়ে ভাবছেন। এতিহাদ স্টেডিয়ামে কিলিয়ান এম্বাপে, নেইমারদের মুখোমুখি হওয়ার আগে এই প্রসঙ্গে গুয়ার্দিওলা বলেছেন, 'ফাইনালে ওঠার দুর্দান্ত সুযোগ রয়েছে আমাদের। যা আমরা হারাতে চাই না। আমার বিশ্বাস, হেলেরা বালেছেন, ওরা জানে, এই লড়াইটা অত্যন্ত কঠিন হতে চলেছে। কিন্তু হেলেরদের উপর আমার বিশ্বাস রয়েছে। গত সাত মাস দল হিসেবে আমরা দুর্দান্ত পারফর্ম করছি। নিজেদের ক্ষমতা অনুযায়ী খেলতে পারলে ফাইনালে না ওঠার কোনও কারণ নেই। হেলেরদের থেকে এক্সট্রা আর্ডিনারি কোনও ফুটবল চাইছি না। কেননা ইপিএলেও বেশ কিছু কঠিন ম্যাচ রয়েছে আমাদের।'




সেমিফাইনালের দ্বিতীয় লেগ খেলতে ম্যাঞ্চেস্টারের পক্ষে নেইমার, কিলিয়ান এম্বাপেরা। -টুইটার

আত্মবিশ্বাসী হলেও টমাস টুডেল ব্রিগেডকে একেবারেই হালকাভাবে নিচ্ছেন না গুয়ার্দিওলা। তাঁর কথায়, 'প্যারিসে দ্বিতীয়ার্বে আমরা যে ফুটবল খেলেছি সেটা এতিহাদ স্টেডিয়ামে পুরো ৯০ মিনিট নেইমাররা আমাদের খেলতে দেবে সেটা একেবারেই আশা করছি না। প্যারিস অত্যন্ত কঠিন প্রতিপক্ষ। কিন্তু আমাদের কাছে দুটো আওয়াজে গোলার আয়ডাভেজ রয়েছে। ফলে কিছুটা এগিয়ে আছি বলতে পারেনা। এখন বাকীটা হেলেরদের হাতে। ওরা যদি চান

ম্যান সিটির ইতিহাসে নিজেদের নামটা স্বর্ণাক্ষরে লিখতে পারে।' গত সপ্তাহে প্যারিসে প্রথমার্বে না চললেও বিরতির পর কেভিন ডি ব্রুয়েন কার্যত একাই শেষ করে দেন এম্বাপেদের। মঙ্গলবারও এই বেলজিয়ান মিডফিল্ডারই সবচেয়ে বড় বাজি পেপের। শুধু ডি ব্রুয়েন নন, পেপের মগজাজের কল্যাণে পুরো দলটাই তেল খাওয়া মেশিনের মতো চলছে। শনিবার ম্যান সিটির সামনে ইপিএল জেতার সুযোগ রয়েছে। তার আগে মঙ্গলবার-রাতের পেপের ট্যাকটিক্স চিকিৎসক কাজ করলে চ্যাম্পিয়নস লিগের ফাইনালের টিকিটটাও চলে আসবে।

ম্যান সিটির মতো প্যারিস সাঁ জাঁ-র সামনেও ঘরোয়া লিগ জেতার সুযোগ রয়েছে। কিন্তু আপাতত লিগ ওয়ান নয়, চ্যাম্পিয়নস লিগের ফাইনালের টিকিট জোগাড় করাই চ্যালেঞ্জ পিএসজি কোচ টুডেলের। জিতেই দ্বিতীয় লেগে পা রাখবে পিএসজি। কিন্তু দ্বিতীয়ার্বে পেপের স্ট্র্যাটেজিতে মাত হয়ে যান টুডেল। মঙ্গলবারও ম্যান সিটির ডাঙাআউটে গুয়ার্দিওলা থাকবেন। তাঁর ট্যাকটিক্সের জবাব তৈরি না থাকলে গত মঙ্গলবারের মতো আরও একটা কালো রাত অপেক্ষা করে থাকবে টুডেলের জন্য। লিগ ওয়ানে লেলের বিরুদ্ধে এম্বাপেকে বিশ্রামে রেখেছিলেন টুডেল। মঙ্গলবার এম্বাপে, নেইমারের মঞ্চে আপহুন্টে অ্যাঞ্জেলে ডি মারিয়াকে খেলানেন পিএসজি কোচ। এই ট্রফিবার উপরই পিএসজি-র টানা দ্বিতীয়বার ফাইনালে ওঠা নির্ভর করবে। ম্যান সিটিকে হারানোর জন্য মাঠের মধ্যে মরতেই বাজি-দুই দিন আগে এমনটাই জানিয়েছিলেন নেইমার। গুয়ার্দিওলা ব্রিগেডের সামনে মঙ্গলবার যে নিজেদের সেরা খেলাটাই নেইমারদের দিতে হবে তা বলার অপেক্ষা রাখে না।



গোলের সেলিব্রেশন লিওনেল মেসির। রবিবার রাতে।

মেসির জোড়ায় জয়

বার্সেলোনা, ৩ মে : রুদ্দক্ষাস ম্যাচে ভ্যালেন্সিয়াকে ৩-২ গোলে হারিয়ে লা লিগায় খেতাব জয়ের দৌড়ে প্রবলভাবে লিওনেল মেসির বার্সেলোনা। রবিবার রাতে পেনাল্টি মিস করার পরও জোড়া গোল করে মরায়ক সেই মেসিই। এই জয়ের ফলে রিয়াল মাদ্রিদের মতো ৩৪ ম্যাচে ৭৪ পয়েন্ট থাকলেও হেড-টু-হেডের বিচারে তৃতীয় স্থানে রয়েছে বার্সেলোনা। সমসংখ্যক ম্যাচে ২ পয়েন্ট বেশি নিয়ে ৭৬ পয়েন্ট পেয়ে শীর্ষে অ্যাটলেটিকো মাদ্রিদ। গ্যাব্রিয়েল পৌলিস্তার গোলে ৫০ মিনিটে লিড নিয়েছিল ভ্যালেন্সিয়া। ৭ মিনিট পরই সমতায় ফেরান বার্নার নয়নের মণি। ৬৯ মিনিটে ফের গোল করে কাতালান ক্লাবকে এগিয়ে দেন সেই মেসিই। ৬৩ মিনিটে লিড বাতান আঠোয়া গ্রিঞ্জমান। ৮৪ মিনিটে কার্লোস সোলার ব্যবধান কমালে বার্নার জয় আটকায়েনি।

অধিনায়ক বদল করে সমাধান হবে না : নেহেরা

নয়াদিল্লি, ৩ মে : মরশুমের মাঝপথে অধিনায়ক বদল। আইপিএলে নতুন ঘটনা নয়। গতবার কলকাতা নাইট রাইডার্স হেঁটেছিল। এবার সানরাইজার্স হায়দরাবাদ। খারাপ পারফরমেন্স থেকে ঘুরে দাঁড়াতে সানরাইজার্স ফ্র্যাঞ্চাইজি অধিনায়কের পদ থেকে সরিয়ে দিয়েছে ডেভিড ওয়ার্নারকে। বদলে দায়িত্ব তুলে দিয়েছে কেন উইলিয়ামসনের কাছে। তবে অধিনায়ক বদলে পারফরমেন্স গ্রাফে উন্নতি সম্ভব নয় বলেই মনে করেন আশিস নেহেরা। ভারতের প্রাক্তন বাঁহাতি পেসারের কথায়, '২০১৪ সালে শিখর ধাওয়ানকে সরিয়ে ডারেন স্যামিকে দায়িত্বে এনেছিল সানরাইজার্স হায়দরাবাদ। তেমন লাভ হয়নি। গতবার দীনেশ কার্তিকের বদলে ইয়োন মরগ্যানের হাতে দায়িত্ব তুলে দিয়েছিল কেকেআর। তাতে সমস্যা মেটেনি। উইলিয়ামসন অধিনায়ক হওয়ায় সানরাইজার্সের ছবিটা আমূল বদলে যাবে মনে করি না।' দলের বার্থতার জন্য টিম ম্যানেজমেন্টকে কাঠগড়ায় তুলেছেন তিনি। মনে গত মরশুমে ছাটাই করা টিম মুভিকে ফের কোথি টিমে ফেরাটা হল, তা নিয়েও প্রশ্ন তুলেছেন নেহেরা। বলেছেন, '২০১৫ সালের পর আইপিএলে সবচেয়ে উন্নতি করেছে হায়দরাবাদ। কিন্তু গত মরশুম থেকে টিম ম্যানেজমেন্টের সিদ্ধান্তহীনতার প্রভাব দলের খেলায় পড়ছে।' একই সুর প্রাক্তন নিউজিল্যান্ড তারকা তথা ধারাভাষ্যকার সাইমন ডুলের গলাতেও। সানরাইজার্সের টিম ম্যানেজমেন্টের ভুল বোঝাবুঝির ফল ওয়ার্নার, কেনেদেনে ভুগতে হবে বলে মনে করেন তিনি।

ওয়ার্নারকে নিয়ে খোঁয়াশা বাড়ালেন কেনও

বেইলিস-লক্ষ্মণের সঙ্গে সংঘাতেই ছাঁটাই



রাজস্থান রয়ালসের বিরুদ্ধে বাদ পড়ায় কতটা ভেঙে পড়ছেন, ডেভিড ওয়ার্নারকে দেখে তা স্পষ্ট।

টিম ম্যানেজমেন্টের কড়া পদক্ষেপ। ছাঁটাই হতে হয়েছে ওয়ার্নারকে। প্রশ্ন তুলছে ওয়ার্নারের আইপিএল ভবিষ্যৎ নিয়েও। ডেল স্টেইনের দাবি, হায়দরাবাদের হয়ে এটাই শেষ মরশুম হতে চলেছে ওয়ার্নারের। এক সাক্ষাৎকারে দক্ষিণ আফ্রিকার তারকা পেসার বলেছেন, 'ডেভিড হয়তো ম্যানেজমেন্টের সিদ্ধান্ত নিয়ে প্রশ্ন তুলেছিল। যা পছন্দ হয়নি তাদের। মনে হচ্ছে পর্দার আড়ালে হওয়া ঝামেলাটা বেশ বড়সড়োই। দলের অধিনায়ক বদল হতেই পারে। কিন্তু প্রথম একাদশে ওয়ার্নারকে না রাখা আমাদের বেশ অবাক করেছে। সবকিছু দেখে শুনে মনে হচ্ছে পরের আইপিএলে হায়দরাবাদের জার্সিতে হয়তো দেখা যাবে না ওয়ার্নারকে।' অজয় জাদেজা আবার দাবি করেছেন, 'দলের রাশ ছিল না ওয়ার্নারের হাতে বলেছেন, 'টিম ম্যানেজমেন্ট বা অন্য কেউ পিছন থেকে দলটাকে পরিচালনা করতে হতো। সম্ভবত ওয়ার্নারের কোনও নিয়ন্ত্রণই ছিল না। পুরো ক্ষমতা যে ওকে দেওয়া হয়নি, তা বেশ স্পষ্ট। ওয়ার্নার নিজেও বলেছে, প্রথম একাদশ গড়াতে ওর ভূমিকা নেই। দ্বিতীয় ম্যাচে মণীশ বাদ পড়ার পর ক্ষোভও প্রকাশ করেছিল।' কমেটেন্টর তথা প্রাক্তন কিউরি পেসার সাইমন ডুলের গলাতেও প্রায় একসুর। বলেছেন, 'মণীশকে বাদ দেওয়া নিয়ে ওয়ার্নার পরিষ্কার বলেছিল, এটা ওর সিদ্ধান্ত নয়। ক্ষোভ প্রকাশের মূল্য চোকাতে হচ্ছে ওকে।' প্রসঙ্গত, মণীশ বাদ প্রসঙ্গে ওয়ার্নার বলেছিলেন, 'প্রথম একাদশ বাছাইয়ের পুরো সিদ্ধান্তই নির্বাচকদের (পেডন বেইলিস আর লক্ষ্মণ) ওপর নির্ভরশীল। মণীশকে বাদ দেওয়ার সিদ্ধান্ত খারাপ ছিল।' কোচ বেইলিস আবার ওয়ার্নারকে ছাড়াই আগামী ২-১টা ম্যাচে দল নামানোর ইচ্ছিত দিয়েছেন। নিজের যুক্তির সাফাই দিয়ে বলেছেন, 'কঠিন ও বড় সিদ্ধান্ত (ওয়ার্নারকে বাদ দেওয়া)। আসলে আমরা পরিবর্তন এনে নতুন কিছুর চেষ্টা করছি। মূল লক্ষ্য বাড়তি বোলিং অপশন তৈরি। এই দলটাকে আরও একটা-দুটো সুযোগ দিয়ে দেখব। তারপর ফের রদবদলের ভাবনা।' অর্থাৎ, আগামীকাল মুহুই ইউনাইটেডের বিরুদ্ধেও ওয়ার্নারকে প্রথম একাদশে না দেখা গেলে অবাক হওয়ার থাকবে না। খোঁয়াশা বাড়িয়েছে কেন উইলিয়ামসনের বক্তব্য। রবিবার হারের পর হায়দরাবাদের বর্তমান অধিনায়ক বলেছেন, 'জেতা-হারার থেকে বেশি গুরুত্বপূর্ণ একটা শক্তিশালী দল গড়ে তোলা। যে কোনও চ্যালেঞ্জের মুখোমুখি হওয়া জরুরি। ওয়ার্নার বিশ্বমানের খেলোয়াড়। সবকিছুই ওর সামনেই রয়েছে। আশা করি, আলোচনার মধ্যে এই সমস্যার সমাধানের চেষ্টা করা হবে।' উইলিয়ামসনের কথায় পরিষ্কার সমস্যা রয়েছে। আর সেই সমস্যা নিয়েই যত জল্পনা-কল্পনা, বিতর্ক।

অজি প্রধানমন্ত্রীর আক্রমণ স্ট্রোটের



দুই প্রতিবাদী- প্যাট কামিন্স ও মাইকেল স্ট্রোট।

মোদির তহবিলে নয়, ইউনিসেফকে টাকা দেবেন কামিন্স

নয়াদিল্লি, ৩ মে : ভারতের পিএম কেয়ার্স ফান্ড নিয়ে রহস্যের অন্ত নেই। সেই রহস্যে নতুন মাত্রা যোগ করলেন অস্ট্রেলিয়ান ক্রিকেটার প্যাট কামিন্স। তাঁর নবতম সিদ্ধান্ত ভারতের প্রধানমন্ত্রী নরেন্দ্রে মোদির ইমেজের পক্ষে বড়সড় ঝাঞ্ঝা। ক্রিকেটারদের মধ্যে কামিন্সই প্রথম ঘোষণা করেছিলেন, ভারতে কোভিড আক্রান্তদের সাহায্য করতে তিনি ৫০ হাজার ডলার দেবেন। মত পালটে সোমবার তাঁর নতুন ঘোষণা, 'ওই অর্থ তিনি আর ভারতে পিএম কেয়ার্স ফান্ডে দেবেন না। দেবেন ইউনিসেফ অস্ট্রেলিয়াকে। ভারতে সেই অর্থ আসবে তাদের মাধ্যমেই।' কামিন্স যেমন এদিন ঘুরিয়ে ভারতের প্রধানমন্ত্রী মোদিকে বিদ্রূপ করলেন, একইদিনে প্রাক্তন অজি ক্রিকেটার মাইকেল স্ট্রোটও সেদেশের প্রধানমন্ত্রী স্কট মরিসনকে চাটাইয়েছেন। ভাষায় আক্রমণ করেছেন। ভারত থেকে নাগরিকদের দেশে ফেরার উপর প্রধানমন্ত্রী নিষেধাজ্ঞা জারি করায় বেজায় চটেছেন স্ট্রোট। কারণ, অস্ট্রেলিয়ার যারা আইপিএলের সঙ্গে যুক্ত তাঁদের মধ্যে বেশকয়েকজন দেশে ফিরতে চেয়েছিলেন। কিন্তু মরিসন স্পষ্ট জানিয়েছেন, ভারতে থেকে ট্রাভেল ব্যান থাকায় দেশে ফেরার ব্যবস্থা নিজেদেরই করতে হবে। সেই সিদ্ধান্তের সমালোচনা করে স্ট্রোট বলেছেন, 'প্রধানমন্ত্রী, আপনার হাতে রক্তের দাগ লেগে থাকবে। যদি সরকার নাগরিকদের খেলায় রাখত, তাহলে সত্বর দেশে ফেরার ব্যবস্থা করত। এই অবহেলা লজ্জাজনক। এমন ব্যবহার করার সাহস হয় কি করে? আইপিএলের সঙ্গে যুক্ত হওয়ার অনুমোদন দিয়েছিল সরকার, এখন তারাই পিঠ দেখাচ্ছে। আপনার কোয়ারান্টিন ব্যবস্থা কি তাহলে ভেঙে পড়ছে?' স্ট্রোট সাহস দেখিয়েছেন। ভারতে বর্তমান পরিস্থিতিতে প্রধানমন্ত্রীকে এমন কথা বললে কী পরিণতি হত বলা মুশকিল। কিন্তু অস্ট্রেলিয়ায় সম্ভব। এটাই পার্থক্য।

দল ছাড়লেন স্টেইনম্যান, যেতে চান ব্রাইটও

নিজের প্রতিনিধি, কলকাতা, ৩ মে : চুক্তি নিয়ে টালবাহানার জের। একে একে দল ছাড়তে শুরু করেছেন বিনিয়োগকারীদের যে ঝামেলা পাকিয়ে লাল-হসুদের ফুটবলাররা। তবে এবার ধাক্কাটা এল বিদেশীদের দিক থেকে। আগেই খবর ছিল ফের একবার এ লিগে ফেরার পথে মাটি স্টেইনম্যান। যা উত্তরবঙ্গ সংবাদদের পাঠকেরদের জানানো হয়েছিল মাসখানেক আগেই। শেষ পর্যন্ত সেই খবরেই সিলমোহর



হয়তো তাঁর বেতন বৃদ্ধি নিশ্চিত ছিল। কিন্তু বর্তমানে ক্লাবের সঙ্গে বিনিয়োগকারীদের যে ঝামেলা পাকিয়ে উঠেছে চুক্তিকে ঘিরে, তা নিয়ে চিন্তায় এখন সব ফুটবলারাই। কারণ কবে এই ঝামেলা মিটেবে, আদৌ মিটেবে কি না তা পরিষ্কার নয় কারণ কবেই বিনিয়োগকারীদের তরফেও পরিষ্কার করে ফুটবলারদের কোনও বার্তা দেওয়া হচ্ছে না। শুধুমাত্র মৌখিকভাবে অপেক্ষার কথাই বলা হচ্ছে। এসব কারণেই কোনও ভালো প্রস্তাব পেলে আর ফুটবলাররা থাকতে চাইছেন না। ভারতীয় ফুটবলারদের মধ্যে আগেই বেসালুক একসিটে চলে গিয়েছেন সার্থক গলুই। এবার বিদেশীদের মধ্যে দল ছাড়লেন স্টেইনম্যান। তালিকাটা এখানেই থেমে থাকবে না। চলে যাওয়ার পথে ব্রাইটও এনুবাখাও। তিনিও বিনিয়োগকারীদের জানিয়েছেন, দ্রুত তাঁর সঙ্গে চুক্তি না করলে তিনিও আর থাকা দুই বছরের চুক্তি ভেঙে বেড়িয়ে গেলেন তিনি। সম্ভবত তাঁর পুরোনো ক্লাব ওয়েলিংটন ফিনিজে যোগ দিতে পারেন তিনি। আগেই তারা যোগাযোগ করেছিল স্টেইনম্যানের সঙ্গে। তবে এটা পরিষ্কার, যেখানেই দুই পক্ষেই। তার থেকে আগামী দিনদেশের মতোই কোনও কারণে চলে যাননি তিনি। এই সমাধানসূত্র বেরিয়ে আসতে পারে বলে ওয়াকিবহাল মহলের ধারণা।

ডিয়ার সাপ্তাহিক লটারির কোটির বিজয়ী হলেন জলপাইগুড়ির এক বাসিন্দা



বিনিরাম ওরাম কে ডিয়ার সাপ্তাহিক লটারির 11.03.2021 তারিখের ড্রতে 48L 01510 নম্বরের টিকিট এনে দেয় এক কোটি টাকার প্রথম পুরস্কার। কোটিপতি হওয়ার বিজয়ী খুবই উৎসাহিত। বিনিরাম বলেন, 'কোটিপতি হব তা আমি স্বপ্নেও ভাবিনি। আমার স্বপ্ন আজ বাস্তবে পরিণত হয়েছে, এর জন্য ডিয়ার লটারিকে আমার অনেক ধন্যবাদ। এবার আমি আমার পরিবারের উন্নতির জন্য এবং ভবিষ্যতের সঞ্চয়ের জন্য এই অর্থ ব্যবহার করব।' ডিয়ার লটারি মানুষের জীবনে আমূল পরিবর্তন ঘটাবে। ডিয়ার লটারি ৭০০-এর বেশি কোটিপতি তৈরি করেছে। জাতি, ধর্ম, বর্ণ নির্বিশেষে সকলেই ডিয়ার লটারির টিকিট কেটে লাভবান হচ্ছেন। ডিয়ার লটারির প্রতিটি ড্র সরাসরি দেখা যায়।